



UNIVERSITÄTS-
BIBLIOTHEK
PADERBORN

Universitätsbibliothek Paderborn

Examen Theologiæ Moralis

Moure, Antonio Fernandes de

Coloniæ Agrippinæ

Illvstris. Ac Reverendis. D. D. Alexio De Meneses Indiarvm Qvondam
Primati, & Pro Rege Gubernatori, nunc Hispaniarum Primati, & Bracharæ
Augustæ Domino.

urn:nbn:de:hbz:466:1-40934

ILLVSTRIS. AC REVE-
RENDIS. D.D. ALEXIO DE MENESES

INDIARVM QVONDA M PRIMATI, &
Pro Rege Gubernatori, nunc Hispaniarum
Prinati, & Bracharæ Augustæ
Domino.

ANTONIVS FERNANDEZ de MOYRE
æternam optat fœlicitatem.

Pictorum studium est cum primum ima-
gines pro foribus appendunt, eas in bono
lumine collocare, ut ita argutia vultus,
elegantia capilli, oris venustas, supercili-
orum maiestas, oculorum nitor, colorum
suauitas perspicue appareant, & iure merito, nam de-
fectu luminis litura potius, quam pictura conspicitur.
Eadem mihi cura fuit, Præsul amplissime, hanc meam
nauigantis animæ topographiam præ omnium oculis col-
locaturo, nimirum bonum lumen quarere: te facem vi-
di ex remotissimis Indorum regionibus fulgentissimam
lucem longe, lateque diffundere. Nec mirum, è viuis
plenisque fontibus hausisti. Mitta Ordonhios, Sanxios,
Dionysios, Fernandos, Henricos, & alios plures Legio-
nis, Iberiæ, atque Lusitaniæ Reges, è quibus ducis origi-
nem genuina progenies, venio ad caput propinquius
Dominum D. Alexium de Meneses parètem tuum, qui
suis præclare gestis tripartitum orbem collustrauit.
Quis enim numerando, poterit recensere bella, quæ pe-
ne puer gessit in Libia sub duce, cognomento magno,
Domino Ioanne de Meneses auunculo suo, germano
fratre comitis de Cananbede Domini Petri parentis
sui, ubi teneros pueritiæ annos militari duritie firmans
ad robur, quo multis (omnibus dixerim, ni verbo esset
inuidia) discibus anteuuit, multa gessit, confirmata a-
tate

P R A E F A T I O .

etate digna, regnante inuicto Emanuele, vt videre licet apud eiusdem chronica Regis. Inde rediens in Lusitaniam praefectus classis nauigauit in Indiam, ibique adolescentiam litans militia, Tocolaum (Nostrates Malacam dicunt) missus gubernator Proregis titulo, & potentia, tot inimicorum naues cepit, tot fluctibus submersit, vt nulla penitus immensa illa maria deinceps multos annos nauigauerint. Enim vero ea tanti ducis formidine percussi hostes iacebant humi, vt nec animum erigere, nondum vires resumere amplius audent, sicuti legere est in Indicis titulis, & catalogis. Bis in Proregum abcessu Indicarum rerum curam sustinuit, semel absente Lupo Suario (qui Alfonso Albuquerque succedit) dum Malabaricum fretum classe lustrauit, iterum Dominico Lopesio de Sequeira. Saepius Cotriaram missus (Nostrates appellant Cocinium) naues in regnum nauigaturas strenue fabricauit, armamentis, ministrisque instruxit, nauigationi parauit, armato milite muniuit, cibariis refecit, opibus farsit. Exhaustis adolescentia viribus Asiaticis praeliis patriam repetit victorius clarus, opimis hostium spolijs onustus, atque secundo vento nauim sibi traditam ad portum patrium feliciter perduxit. Nondum nauis situm, & pedorem nauigationis exterserat, quando in Africam mittitur, clarissimorum regni Ducum praesidio tunc munitam, vt munitiones illas inuiseret, renouaret, reficeret. Rebus Africa apud compositis ad Carolum Imperatorem V. legatus mittitur, multisque annis, quibus legatione functus est, in expeditionibus omnibus, ac praeliis plurimis Carolo haesit, gladio districto. Quis praterea numerando recensere poterit amplissimos honores, ad quos Lusitania, Hispaniaque Regum

PRAEFATIO.

munificentia diuinitus est euectus. In primis Mariae Principis filia Ioannis Regis Tertij domus curam suscepit, quam iam coniugem Philippi Hispaniae Regis in Hispaniam proficiscentem comitatus, apud eandem Reginam idem, quod in Lusitania munus obiuit, cum tamen eodem tempore clarissimus Alba Dux Principis esset oeconomus. Eo tamen amoris nodo Reges deuinxit in munere, eo apud omnes virtutum splendore coruscabat, ut nato Carolo Principe ex Maria, & rogante Philippo patre Carolum imperatorem parentem, quem vellet Imperator eligi in patrinum Principis nepotis sui, responderit, D. Alexium de Meneses oeconomum Reginae, & ita iussus, & in cognationem regiam adscitus Carolum Principem à sacro fonte suscepit. Quam quidem cognationem tanti semper fecit Philippus, ut pra oculis haberet perpetua, Te ipsum appello locupletissimum testem, Praesul amplissime. Accessisti ad scoria- lium, cum adhuc monachus esses, allocuturus Regem, Salutationem Rex anteuertit, misit D. Christophorum de Moura, qui te suo nomine salutaret, diceretque se gaudere te saluum, & incolumem peruenisse, tenerique desiderio te videndi filium compatriis sui, quae verba te coram iterum Rex pra dulcedine repetijt. Cum verò emortua Maria coniuge Philippus ad mitigandum dolorem in solitudinem secederet, curam Principis Caroli, totiusque domus administrationem Alexio reliquit, paruit ille, Principem aluit, & erudiuit, atque in comitiis Pinsiae habitis regno tradidit, in Lusitaniamque redijt. Eo tamen erga Paedagogum Carolus Princeps amore flagrabat, ut ad explendum desiderium, singulis annis ei per nuntios non sine opulentis donis salutem plurimam impertiuerit, Sed ut ad rem ipsam & scopum

PRAEFATIO.

pum huius scriptio-
nis veniam, Tibi ego tam illustribus
orto natalibus, librum hunc dico, dedico, consecro. Mul-
to quidem mihi, Praesul amplissime, sudore stetit, eam
ex tot autoribus concinnare, noctes saepe traduxi in-
somnes, annos integros libris incubui, ut mille casuum
tricas, centum nodis intricatas, extricarem, atque dif-
ficillimo questionum labyrintho, caeca regens filo Do-
ctorum vestigia, exitum inuenirem. Hoc vnum preti-
um, vna hac merces à te in Dei opt. max. gloriam, eius-
que Beatissima Genetricis laudem collustrari oculo-
rum radijs erunt illi sagittæ potentis acutæ in cor-
da inimicorum, aeternum vale. Brachara Au-
gusta, vndecimo Kal. Decemb. Presenta-
tioni B. Virginis Mariae di-
cato die.



* 5

Sat